

# 《它殺》

作者: 心情

Powered by [紙言](#)

## 01 被誤會的少女

「Good morning class!」一個拿著教科書，帶着無邊框眼鏡的老師，笑臉迎人地走進課室。

沒有任何人回答老師，課室的氣氛異常沉重。

有個同學突然獨自走出了課室，

但老師和同學都沒有理會她，

而嗰個人，

就係我。

我慢慢地走出課室，然後一步一步走上樓梯，畢竟這個世界已經沒有任何事物值得留戀。

我打開門，感受到迎臉而來的陣風。

我望向腳下的高度，沒有感受到絲毫的恐懼，想到很快就可以離開這個可惡的世界時，或許還有些少興奮。

「砰！」天台門被急速踢開的聲音。

會是來救我的人嗎？算了，不會有的。

我一躍而下，感覺到了物理的阻力，

但是，為什麼沒有痛感？

我奇怪地睜開雙眼，發現有人拉着我的手，難道真的有人來救我？

我帶着希望，被那個人拉起。

但不出所料，我又看見那班人和那個女人，為什麼？我已經計算好時間，為什麼...還是同一個結局。

「死八婆，你唔係諗住可以就咁死咗去呀嘛！你就咁就死咗，報紙會點寫我哋啊！好彩今次你哋同班同學同左我哋講，唔係真係差啲俾妳個仆街走甩。」帶頭的女人沖着我來，一來就是一巴掌。

「喂，大佬。啱啱我落去通知咗校長，佢叫我哋要再睇實啲佢，已經係第三次，唔可以俾佢有再機會自殺，搞差我哋學校banding。」

「嗯。」女人一下踢開了我「搵個人黎幫我俾啲教訓佢，哼，順便幫你地舒下筋骨。」

「係，大佬。」打手拿着鐵通向我走近。

「哼，你得罪我件事都未同你計。我哋一日未玩厭，你一日都唔使旨意死。」女人在鐵通打下來的前一刻，跟我說了這麼的一句話。

今次已經是我第三次嘗試自殺，

但每次都只有被毒打的後果。

## 02 被誤會的少女

打手不停地用鐵通，一下一下地打在我的身上，

以至背部開始出現淤青，

我不停向後退，想避開那支無情的「武器」。

「你老母個女呀？！走？黎人，同我捉住佢！」

我被人捉着四肢，又繼續傳來一陣陣的痛楚。

點解要咁做？我做錯咗啲乜嘢？

我不淨只身體上感受到痛楚，

就連心也痛得欲撕欲裂。

究竟為何要一次又一次地把我當成一個洩憤的工具？

我終究忍俊不禁地讓眼淚奪眶而出，

在臉頰划過。

.....  
「哇屌哈哈，你地過黎睇下，條八婆竟然喊呀」

聽到殘忍的說話，沒有換來一絲的安慰，

只有更多的恥笑和嘲諷。

「我地...係咪過份咗少少呀，不如我地收手啦。」

聽到這一句說話，就知道這個男孩是新來的，

只希望不會因為他的多口，而令到我挨多幾下打。

「收手？！我收你老母！更過份嘅我都做過啊！不過難得今日心情好，就放過呢個八婆一次。」打手  
踩着我的頭扭了幾下。

「仲唔快啲走？掃興。」女人帶着冷眼的目光呼喝著我。

我立刻狼狽地跑向後樓梯，然而耳邊還是不斷傳來一陣陣刺耳的恥笑聲。

我拿起本來放在旁邊的書包，那刻的我只想逃離一切，回到那個所謂的家。

我邊跑向學校大門邊擦著眼淚，幸好家離學校並不遠。

「喂，同學。而家應該上緊堂架喎，做咩走咗出黎？」

突然有人在背後拍我，使我當堂嚇了嚇。

但我知道要逃學，就肯定不能硬來，所以便立刻裝作甚麼都沒發生過。

「Hi.呀sir。我...啱啱有啲唔舒服，呃...所以要早退啊。」

我擺出一個疲倦的樣子。

「哦～咁咋？得啦，呢排疫情咁嚴重，記住要多啲休息呀。」

「知道啦呀sir，多謝關心。」

正當我準備繼續向前行。

「咦？等等先，你隻手做乜咁多瘀青？」

老師突然捉住我的手問，痛到我即刻甩開他的手。

「好小事，只係成日跌親姐。呀，冇嘢嘅話我走先啦，真係好唔舒服。」

我急步走出大門，深怕走遲一步都會被他發現。

但係為什麼我的眼淚會不能自控地一直流...

是因為很久沒有人關心我？還是出於自己連求救都沒有勇氣的無力感？

我走出學校後，也用非常快的速度走回家，生怕有人會從背後拉我回學校。

我知道我並不能讓唯一的家人知道這件事情，不能讓她對我感到失望，

我不能夠失去她。

我站在家裏的大門前，拿着家裏的那抽鎖匙，慢慢地打開大門。

「xxx？咁快返嚟嘅乖孫？妳唔使返學咩？哎喲，做咩搞到成身傷晒咁呀？你婆婆我老啦，唔照顧得你咁多，你都差唔多17歲啦，有咩事記住同阿婆講啊。」

是一把慈祥又低沉沙啞的聲音，亦是唯一能令我感到安心的聲音。

「我有事，放心。」我講完之後就行咗入房，門埋房門。

但係，點解我聽唔到自己個名？我個名到底係咩？

或者，

我由嗰日開始，已經唔記得咗自己叫咩名。